



Od Vlade iz Kanade

SVI SU ZA MIR, JA SAM ZA RAT - RAT UMA DUHA I SLUHA!

Home

Originalci

Galerija

Razno

InfoMAX

Links



ALIJA...



Kada mentalno, duhovno i intelektualno najbolji među nama razmišljaju o Bogu i Geniju ONDA ni njima ne ostaje drugo do da se pomole i Bogu ZAHVALE što su primjetili da Bog jest Gornji i naglašeno NEBESKI, a Genije je onaj najbolji među nama, dominantno zemaljskima...

I slika KAO jasna?

SASVIM JASNA.

Jok, NIKAD BILA! Možda čak ni blizu svojega okvira!

Fundamentalno je zapravo jedino jasno u ovoj slici: ne možeš porediti Boga i Genija ako tako neoprezno sudiš dimenzijama/veličinama koje sve tvoje (NE)ograničenosti definitivno ne mogu niti NASLUTITI!

OK, relax: NIKAKO ovdje ni pomislio nisam kako sam ovom tvrdnjom ja pametniji/mudriji/štaGODjošHOŠ od Tebe: ja samo sebi ne dozvoljavam da počnem farbati sliku čiji okvir, material i dimenzije NEMAM, a još manje ZNAM – recimo a šta bi to moglo biti...

Bogu HVALA što sam NAUČIO učiti i vjetar slušati. To i Marsovcu jasno kaže kako u nekakvom miru DIŠEM; znači ŽIVIM a i pišem...

Bogu HVALA što sam naučio da Kadilak NIJE mjera bogatstva, a diploma (sama po sebi, bilo koja!) dokaz bilo kakva (korisna!) znanja...

Bogu HVALA što sam pročitao etikete i jasno PREPOZNAO RAZLIKU funkcije (fotelja, titula...) i FUNKCIONERA...

Bogu HVALA što sam tu gdje jesam i to što jesam!

A sve to i puno toga što mi memorija i umaran intelekt ne mogu niti dohvatiti u ovom momentu učio sam od -NAJVİŠE gotovo NEVIDLJIVIH- Ljudina koji nikad nisu potrcali pred neku kameru, a još manje da su i pomislili na preplaćenu i predimenzioniranu fotelju. U državnoj vlasti ili institucijsalnoj "masti", svejedno.. Ja sam ZNAO da baš ovaj članak MORAM zapisati (jok Napisati!) već 20-tak sekundi nakon što sam formalno upoznao Iskonsku Dušu Bosne i Hercegovine, Aliju Dedića.

Sreli smo se u kući njegove djece na samom kraju monumentalne kanadske pririje i u podnožju moćnih Stjenovitih planina.

On i njegova draga Hatidža, mada već u svojim sedamdesetima kao da nisu znali za umor iako su tek preletjeli dva kontinenta i ocean samo da bi svoju djecu vidjeli za tu Novu godinu...

Impresivno, inspirirajuće NEZABORAVNO! Zauvijek ću biti ZAHVALAN za čast samoga poziva da upoznam te prelijepo, plemenite, istinski velike Ljudske Legende!

Aliju sam odmah zavolio kao oca, brata, prijatelja, profesora, Učitelja....

Trebale su mi godine da se bar ovih riječi nekako dohvatim, jer kada sretnes Istinsku Ljudsku Veritkalu nemaš pojma ŠTA ti se desilo, a tek onda - NASTAVLJA da ti se dešava...

Ja sam odrastao u nekom "modernom" svijetu gdje su "velike ljudske vertikale" MORALE biti na naslovnim stranicama, svuda po ekranima i vazda sa najvišim, najzvučnijim titulama i plaćama. Mjesta -onog javno prestižnoga – za Aliju nije bilo. Čak ni na kraju nekog vica. Prosječnoga...

Ipak Alija je rođen i SRETAN i BOGAT. Zahvalio se i Čovjeku i Bogu što ima Život i Zdravlje, a kada je sreo i ljubav svoga života – prelijepu Hatidžu njih dvoje su -gotovo preko noći – radeći jedva 27 sati na dan, 9 dana sedmično i itd. (VOLIO bih da ovdje pretjerujem ALI kad sam imao i sreću ičast posjetiti Aliju i Hatidžu u njihovom prelijepom Travniku oni su već gazili svoje osamdesete i RADILI sve svoje poslove kao da ne znaju koliko je ljeto VRELO, a rad nemilosrdno težak...) izgradili ISTINSKU IMPERIJU!

Već od mladosti Aliju nije služio vid, a njegovu poslu je bila neophodna kamiončina za prijevoz dobara. Hatidža i on su se samo pogledali. KASNIJE je došao QUEEN i njihovo "The Show Must Go On" – Hatidža je u najkraćem mogućem roku postala UZ APSOLUTNU PODRŠKU SVOGA ALIJE jedna od prvih vozačica toga vremena! Vozila je gradeći posao i familiju sasvim BESPRIJEKORNO više od POLA STOLJEĆA! Alija je manirima najvećih stratega svaki dan i na svakoj krivini pronalazio bolja i isplativija rješenja za danas i nikad iz vida ispuštenog SUTRA. Tako je život izložio Aliju javnom radu sa hiljadama ljudi a on je SA ISKRENO TOPLIM osmijehom i blagim glasom poštena profesionalca UVIJEK ZNAO i MOGAO da nađe i ponudi NAJBOLJE za svoje partnere, mušterije, prijatelje i onda OPET SRETNO i NASMIJANO ništa manje za SVOJU Hatidžu, djecu i cijelu familiju...

MOJE ISPOVJEDI 005



Piše: **Samsebeech Ispovjediwoj**

Nepostojeće diskusije

MI smo apsolutno odgovorni za SVE diskusije koje prihvatimo u svoj život BEZ OBZIRA sa koje strane i na koji način su (PRI)stigle u naš svijet!

Ukoliko se, primjera radi, desi da neko u Vašoj blizini posebno naglasi kako je njegova/njena majka najljepša žena na Planeti tu NIKAD PROSTORA za ikakvu vrstu diskusije jednostavno NEMA.

Ne treba nikakvo obrazovanje da se u POTPUNOSTI RAZUMIJE kako će svaki normalan čovjek istaknuti svoju majku kao posebnog šampiona SVEGA! Ako samo pomenu da baš bez te majke i NIJEDNE DRUGE u cjelom beskrajnom Univerzumu BAŠ TAJ čovjek NIKADA niti postojao ne bi ONDA ne postoji nijedan razlog za daljnju diskusiju na ovu temu!

NAJKRAĆE: Moja majka je najljepša na svijetu je izjava koja nam kaže da ispred sebe imamo Čovjeka koji ne sumnja u svoje i čija Ljubav je NORMALNA, a životno iskustvo dominantno UNUTAR civilizacijskih normi.

Takav čovjek će pozdraviti Vašu ISTOVJETNU izjavu sa NEUPITNIM ODOBRAVANJEM, a MOGUĆEM promatraču sa strane koji POKUŠA upitati za logički konflikt između "DVIJE NAJLJEPŠE MAJKE na istom svijetu!" obadvojica neće ama baš ništa odgovoriti jer ZNAJU da normalan čovjek tu NE MOŽE vidjeti nikakav konflikt i da mu baš tu NIŠTA NE MOGU OBJASNITI kada on sam NIJE PREPOZNAO da je i njegova majka – NAJLJEPŠA NA SVIJETU!

Eventualna diskusija o tome čija je majka najljepša APSOLUTNO INDICIRA bolesno sumnjive namjere i/ili manipulative karaktere koje BEZ dodatnih RIJEČI trebamo zaobići. SVAKI PUT! Jer tu NIKAD NIJE bilo nikakvog razloga za diskusiju!

Na isti način možemo gledati na pitanje IMA LI BOGA ILI NEMA: u SASVIM PERSONALNOJ "optici" ali I iskustvu ljudi imaju SVOJ doživljaj stvarnosti i posljednje reakcije. Apsolutni i definitivni odgovor DA ili NE je SASVIM JASNO – NEMOGUĆ, nedohvatljiv našim spoznajnim kapacitetima.

Najkraće: BAŠ MOJA Majka je najljepša na svijetu i meni NIKADA neće zasmetati što ZNAM da Vi za svoju Majku VJERUJETE isto jer NASTOJIM da Vjeru i Znanje ŽIVIM izvan manipulacije, nasilja i bilo kakvog (fundamentalističkog, uglavnom) ekstremizma.

Amen.

Eto, baš ovdje, ja bih Aliji dodjelio Nobelovu ali ZNAM da bi se on ljubazno nasmijao i rekao da to TREBA onima koji o tome SANJAJU, a njemu treba samo njegov prostor i mir. Da nastavi – raditi...

Alija je rođen PUN Istinske Ljubavi i baš zato ga NIKO nije mogao zastrašiti, još manje na nekakvu mržnju navest! Alija je POSVEĆENIM RADOM u Ljubavi izgradio IMPERIJU svoje familije koja se od Australije do Kanade DOSLOVCE nadvila and ovaj cijeli dunjaluk istovremeno ne mrdajući svoje srce i dušu izTravnika, iz svete i voljene Bosne i Hercegovine ponosne....

Alijina familija se ni dirnuti oružjem NE MOŽE jer je na ovaj dunjaluk Božijom voljom postavljena, a onda Ljubavlju i Radom razvijena!

I još raste da joj kraja ni zamisliti ne možeš!

Istovremeno službena vlast i mast pate od duhovnog i mentalnog ZATVORA smišljajući novoga -valjda službenog?- Zlotvora...

Bosno, udahni Aliju, posveti mu familiju jer KOLIKO još Alija ŠUTI i RADU a vlast i mediji samo "copy&paste" tzv. napredni zapadni svijet!?!

NEOPROSTIVA je samoinducirana pandemija sluganskoga idolopoklonstva fotelji, tituli, medijskoj promociji, novcu, KAD

Ako je Alija stvorio SVE ne tražeći NIŠTA, nikada se ne žaleći, iskrenim osmjehom NAORUŽAN i u

NAJTEŽIM životnim okolnostima KONSTANTNO gotovo DEVET DECENIJA, Onda:

ŠTA nama fali da udahnemo Aliju i u našoj SVAKOJ AVLIJI stvorimo SVOJU imperiju?

Alija je volio Svijet na svakom koraku toplo, roditeljski. Onako baš očinski. Taj isti svijet koji je sam sebi već postao – očuh. Baš zato Alija fali više no ikad...

Bogu HVALA što sam NAUČIO učiti i vjetar slušati. HVALA, ALIJA, HVALA!

P.S.

Nema priče o Aliji na koju se može staviti tačka jer je Alija u Ljubavi radio i disao Slobodu ne samo za sebe već NESEBIČNO i sve oko njega! Upravo zbog toga dok god bude onih sa suprotnim pristupom Životu Alija će samo snažniji i svježiji biti!, jer iskonsko Svjetlo Ljubavi i Slobode ne poznaje/priznaje nikakav strah, čak i kad samo tijelo vremenom posustane. Pa opet: HVALA, ALIJA, HVALA!

Kao i vazda prije,

uz najiskrenije pozdrave

od Vlade iz Kanade

[Ovakvi smo bili na samom početku](#)

[Zakonski uvjeti korištenja ove stranice](#)

[Ovako smo izgledali do aprila 2013](#)

[E-MAIL me!](#)



Najkraće & najbrže:

- Ova stranica je i dalje kompletno EKSPERIMENTALNA.
- RAD NA OVOJ STRANICI i kreativni i tehnički NIKADA NIJE ZAVRŠEN.
- Sa najvećim ponosom ističemo da Duh ove stranice nikada nije i neće pripadati jednoj političkoj partiji, jednoj religiji ili jednoj BILO KOJOJ ogradi.
- POKLON: Radimir Konstantinović FILOSOFIJA PALANKE, kompletna knjiga pdf 32Mb ili HQ 152.5Mb

NASLOVNE PRIČE, arhiva

[YC00A*](#) [VK001*](#) [VK002*](#) [VK003*](#) [VK004](#)

[06.17*](#) [07.18*](#) [08.17*](#) [09.17*](#) [02.18*](#) [03.18*](#)

[04.18*](#) [10.18*](#) [11.17*](#) [12.17*](#) [10.17*](#)

[05.18*](#) [03.19*](#) [09.18*](#) [06.20*](#) [07.20*](#)

Zbirka staroga i objavljenoga